

3 Sóni

Ebeq sáhnshwe ahtebé ehwehne.

Mah pahsíipéq Sóni áwíq íre kéhrara peh ahtebia kégá Sóniga sehiranúwe íwíáhowe. Páhsi sehiranú aninká wene iyahnabo aní aboawah wehgá sáhnshinkeheéna sehiranúwe. Wega mahraréna, Ahbabáq sansa pehragé peh kaweq sansánúno. Ahbabáq aruqaruri anímé Maniká íre tagariéhre ue sehiranúwe.

Sóniga anehe sehiranú pahsíe.

¹ Káiúsio, íné aboawah wehne páhsi sáhnshwe tagáhno. Ínéga arensabé aiq pútaq nirutaboiruge.

² Néne iyahnabo aníno, arenawa kaweqtaq mía míaime aiq tagarióge. Mina ónanserah are kaweqtaq mé awaho ani mía míainkeheéna púreratóge.

³ Arega aiq pútaq ehwéh sehgiona puah arewe kaweqtaq mía míaóne. Mó Sísá tagariáh kégá séra mi ehwéh teniátónsabé nirupipeq anotahtaq eyoyóuraire.

⁴ Ínéga Sísá éhweh síwáhnorurau kégá wene sánsá kawerue sehgiónsábé nirupipeq anotahtaq eyoyóire.

Sísá tagariáh ké séhréh arite ehwéhne.

⁵ Néne iyahnabo aníno, arega mó Sísá tagariáh ké séhréh aritahne. Arega nahnso suwahpeqte Sísá tagariáh ké moq mehweh arite séhréh aritahnawe kaweróne. Mina kaweq sansáne.

⁶ Arega kaweraritahna kegá mahtaḡ Sísá tagariáh ké teriera, Káíúsiwe anotah arútábóiri aní mire ewe. Segá Manikáne arambehri miraonsabé segá are auwera pokoneherairataḡ séhréh arite se íre matiáh náneḡ nário. Maniká Iteribo awahbehnserah séhréh arite nário.

⁷ Segá Sísane arambehri miraonehe íwiáhéra Sísá íre tagariáh kéné ménsámehnsá íre mewera phipi pokuwe.

⁸ Minayabe mina tahnsa pokoneheraira ke íre matiáh náneḡ nário. Mó ke aiḡ pútaḡ ehwéh iragéhboḡ miraue séhréh arito. Miraue sereḡ itereḡ moráráḡ arambehriéḡ Manikáne aiḡ pútaḡ ehwéh terienéhe.

Saiyo píribahri anínká íre kaweq sansánú ehwehne.

⁹ Ínéga arenawahrah Sísá tagariáh ké páhsi sehiranue siátáuge. Wehukení wenáwíḡ Tíótárépésá seba míéhre. Wega píribahriéna, Ínébataḡ mahtaḡté kéné wahnah muge íwiáhinsabé itene ehweh íre irasa peh anehepeḡ sutaire.

¹⁰ Iteba konaraḡ wene ahabábáqmé pahsuḡme ehweh ataníe. Wega íre kaweq ehwéh aintena péhe éhwéh aintáaire. Péhe éhwéh aintena íre peh morá mi ahabábáruaire. Sísá tagariáh kéḡá mitaḡ surowana wega íre mehweh arítaráire. Íre mehweh aritena mitaḡté Sísá tagariáh kéḡá mi ke mehweh aritého éna momiwí nahtápéḡté kaqsutaire.

¹¹ Néne iyahnabo aníno, ahabábáḡ sansa pehragé peh kaweq sansánúno. Kaweq sansá mira

aruqaruri anímé Manikáne anine. Ahbabáq aruqaruri anímé Maniká íre tagariéhre.

¹² Wehukení wenáwíq Témítíúsiga Manikáne arambehri kawerue mira aruqaruri puara ómiga we kaweq aníne íwíáhowe. Manikáne aiq pútaq ehwéhncá moq wene kaweq sansá pahsúéhre. Ínéga moq, We kaweq aníne teawúgah are tagariahna, Néne ehwehme peh aiq pútaq ehwéhne.

Sóniga we koragéyabe awahbó ehwehne.

¹³ Íné áhnte mó ehwéh kéhranawe peh pépahqtaq sehíranéyabe nuwahriehre.

¹⁴ Pehgáriq tanáhráq are koragane íwíáhuge. Mitagkake pehipi ehwehnoyehe.

¹⁵ Manikánka arene aru ukiq atéhre. Mahtaqté arene iyahnaboga arensabé iraúno ewe. Mibeqté itene iyahnaboyabé iroto terio.

Manikáne O Ehwehne
God's New Talk: The New Testament in the Awa
Language of Papua New Guinea
Nupela Testamen long tokples Awa long Niugini

copyright © 1974, 1997 Wycliffe Bible Translators, Inc.

© Faith Comes by Hearing

Language: Awa

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 28 Dec 2024 from source files dated 31 Aug 2023

9673cf68-887a-574e-9ac8-846469c86b12